

月  
滿  
樓  
詩  
集

月滿樓詩集卷三十六

元和顧宗泰景嶽

受業陳洪編輯

觚棱集

戊午是年春在吏部夏六月奉出守廣東高州之命七月赴山莊引見旋即請

訓遂回都於八月起行泰京宦垂三十年內某西苑分班係直帶領各官常得瞻仰顏出守又荷溫旨訓勵交深雲天回首心戀觚棱也赴粵以前詩因以觚棱名集

鳳城新年詞八首次嚴吟巷同年韻

鳳城彈指又新年。九陌香濃籠翠烟。最是東華朝散後。官車爭策彩絲鞭。

其二

月洲詩集 卷三十一  
年豐樂事滿衢衢。人物喧填要路衝。爆竹一聲星火爛。  
報將春信振蒼龍。

其三

三條九剎自東西。到處兒童竹馬齊。更聽太平街鼓擊。  
連環鐵索快提攜。

其四

錦車寶馬出晴空。斜卷珠幃日影紅。夫婿金吾人辟易。  
香塵撲處故匆匆。

其五

債臺避後轉紛奢。新換春裘興更誇。賀歲初過徵酒食。

何曾清夢賞梅花

其六

阿誰菊部最知名。分門雲英春色平。逐夕朝官攜入座。  
花前紅燭按銀箏。

其七

殿橋遊玩說新春。百歲由來歲歲陳。免俗未能聊復爾。  
四時佳興好同人。

其八

銀花火樹暖雲蒸。韶景將融玉沼冰。日下傳柑佳節近。  
踏歌聲裏看張燈。

雲坡先生總督直隸賦詩寄呈四首

帝命臯蘇鎮外臺。黃圖紫氣五雲開。疇咨海內仔肩少。  
重簡畿南倚畀來。四塞關河勤保障。百年財賦善滋培。  
旌旗橫翠樓邊駐。一夕歡聲動草萊。

其二

春殿恩深錫鳳翎。永淵轉切此心盟。甘盤學舊存公正。  
召保猷新勵盡誠。束濕豈操憑馭術。菑畲得養重持衡。  
德心孚契勤施日。獨惕艱難報太平。

其三

斗座巍峩霄漢間。天通呼吸不違。顏密承。睿訓紆。

謨略潛整官方變懦頑曉雨波濃淶易水春風惠遍趙  
燕山崇朝鈴閣軍民肅自轉洪鈞氣象還

其四

絳帳追隨三十年日依裴几荷深憐梅花雪海江南夕  
紅日金臺薊北天寢隔韋香瞻畫戟座虛點瑟悵徽弦  
懸知按節吟詩會長念春明載酒緣

法時帆祭酒屬題詩龕卽用二字爲韻得二首  
依然淨界足棲遲爲愛風騷繞夢思無佛雨花偏悟諦  
有人燈火獨哦詩妙香貯處燃髭好空翠開餘點筆奇  
一樣華嚴忌色相此中旨趣洗心知

其二

每別酸鹽至味耽。烟蘿密坐自幽探。驚人欲闢春風牖。  
覓句還扃夜月龕。子建魚山音競寫。祁公石室秘同參。  
空廊黃葉風流在。不見新吟積水潭。近時西涯詩有句云。惟有法華菴空廊黃葉積。并繪西涯十友圖。且奉像于詩龕。爲一時韻事。

花朝日作

從來百卉發隨春。何事花矜初度辰。九十韶光已過半。  
猶將方蕾慰詩人。

其二

一杯香醴酌芳春。人自憐花花笑人。那得如花長不老。

年年生日有佳辰

坐雨

小雪大雪總不雪。人人希膏盼欲絕。入春好雨每飄灑。  
如酥潤到清明節。粉牆紅影出杏花。繞堦芳草嫩吐芽。  
黃鸝數聲飛下上。枝頭新友爭妍華。退衙却掃擁書坐。  
簾下陰清少塵堞。一枕倦眠蝴蝶床。事不攪心無不可。  
何當碧岫帶香潭。柳絲花殷醉酒酣。卅載春明駒隙過。  
每逢煙雨夢江南。

賦得好鳥枝頭亦朋友

翠羽逢春好。枝頭倍有情。幽庭疑作伴。空谷喜聞聲。睨



曉心同訴間關語。並傾何須傳遠信。似欲訂新盟。飛去  
停雲邈。棲來對月清。花間憐問客。柳外感呼名。引翼歡  
堪久。迴翔澹自成。上林遷更穩。求友聽和鳴。

賦得百花香裏看春耕

繡壤花方匝。香濃似載辰。一犁紅雨細。千畝綠雲均。飽  
媚條桑女。耘徂望杏人。塍開飛絮滿。溝瀉落英頻。第草  
風催信。分秧日轉春。枝頭鳩喚急。林外犢驅馴。繁翠籠  
芳陌。紛霞罨遠畛。民依知穡事。韶景畫圖真。

賦得清明無客不思家

昨夜過寒食。魂消對百花。他鄉猶是客。之子豈無家。有

思如春轉何人不望賒白雲皆遠岫碧草盡天涯新火  
分榆遍輕烟散柳斜社同人醉酒山近女收茶盼向江  
南斷風從薊北誇誰攄王粲筆樓外倚殘霞

賦得川原遠近蒸紅霞

到處花開艷川原十里同雲迷天際碧霞透野邊紅臨  
水天天照圍嵐灼灼烘暈濃非藉旭彩鬱自禁風近訝  
騰文麗遙疑罨畫工殊姿千樹染冶色萬枝融洞口霏  
丹外江頭散綺中仙洲如可問煙景若爲通

贈檀樽世子

二月花繁黃鳥鳴綠漪亭畔暢詩情斗杓指卯陽初仲

星度躔步春正繁。文固摠才蕭太子。秘宮延俊漢東平。  
卽看攬揆開芳宴。聯韻縱橫逸興并。

其二

依然英胄是書生。鳳筆當今出鯉庭。家法元音傳雅什。  
師承正緒在騷經。八文豈願才爭捷。千律真成格有靈。  
蘭蕙一編驚冠世。文章况更老長齡。

和作

知道和聲久。善鳴長安卅載若爲情。青璫舊物同王  
令。白羽新詩羨顧榮。先生曾贈詩扇索米金門心自樂。浣衣  
紫海意偏平。仙郎漫說多才子。誰及東方吏隱并。

其二

春隄三月草初生。蓆帽桐衫訪野庭。酒榼紅潮人半醉。  
江湖白髮事多經。心如縞鶴仙無侶。筆掃銀河句有靈。  
若許旗亭同畫壁。還須顧曲屬昌齡。

章石樓明府招同法梧門周載軒吳壽庭石琢  
堂洪稚存馬秋菽伊墨卿宋梅生吳兼山譙  
集署之古墨齋主人座上出眎游潭柘近詩  
四首卽席和韻

行春又此出層城。花外兒童竹馬迎。菜隴潤兼晨露種。  
秧畦晴帶午煙耕。語多林鳥情如贈。吹少村厖俗不爭。

誰識使君餘逸興。青山吟遍到清明。

其二

秀挺三峯翠壁危。柘陰取道晚鐘時。疎紅雨過花生纈。  
柔綠風歸柳拂絲。法設宰官塵不着。心通佛子息相吹。  
如君治理參禪解。朝夕何妨琴鶴隨。

其三

彈冠座上盡裁裝。歸譙談詩特地過。酒縱奇兵摧壁壘。  
筵驚雄辯決江河。昨遊興訪支公馬。此會書分王令鵝。  
況有臯之年少客。英蕖幕底擅高歌。

其四

綠波回首隔溪橋。重疊雲屏望裡遙。吏有仙才游亦雅。  
詩逢僧寺語偏超。尋脩禊事人依竹。詎賦離牕日采蕭。  
余亦金門稱仕隱。每當觴詠懶趨朝。

賦得信及豚魚

萬物憑何感。言觀體信初。有孚徵兌巽。維吉應豚魚。儉  
取于牢便。仁昭我網疎。淳風桑宅下。生意藻池餘。歸芷  
招寧待。游梁樂自如。負塗疑盡釋。躍沼化全舒。登翰占  
殊矣。鳴陰筮有諸。至誠無不格。丕變泯羣狙。

題王香南南浦歸帆圖用章湖莊同年韻

西山疊翠章門游。帆開南浦斜陽收。落霞千秋帝子閣。

飛濤萬里鄱君樓。仙才凌風昔跨鶴。歸心下水今乘舟。  
魂銷江郎寫別意。虛堂木葉江湖秋。

再題南浦歸帆圖卷

戴公山下路。攜酒竹林游。

仲若竹林精舍在黃鵠山北  
乙酉歸自秣陵聽鴈戴公山

畔空復江南夢。回頭已卅秋。

其二

皇州鷺百轉。上苑柳三眠。何如招隱客。

澗州招隱山相  
傳爲戴舊宅

春醉洞庭天。

韓旭亭至都有招集陶然亭者。余未預。飲壽庭

時在座中。旣而壽庭旭亭相繼以詩屬和。惟

余三人情好最久因次韻奉酬

命駕初停柳外驂西華小話寶陀龕

時與旭亭坐于西華門西僧舍

十

年落月江頭樹一夕披雲禁外嵐雅唱入風清愈妙廣

吟點雨綠初酣昨朝聞說幽亭會裴展翩翩映水南

其二

家芬結契屬昌黎廉水沱江疊嶂迷

曩者旭亭八別後

吟風傳遠驛重來隣景眺仙梯

陶然亭雖非百尺亦可眺覽交論再

世欣連袂健過中年笑杖藜自愧江南舊烟客繼聲好

逐鳳城西

疊韻



曾記江干騁客騷。遍探竹斨與松龕。半生紫陌塵中鞅。  
一髮青山夢裡嵐。吹暑風溫花競艷。吟香露濕筆餘酣。  
比隣佳興連篇報。標格多君歷劍南。

其二

叩。嶠。九。折。古。沉。黎。盡。入。詩。囊。景。不。迷。追。話。壯。遊。凌。碧。嶂。  
誰。通。妙。解。指。丹。梯。閒。題。墨。潘。紛。垂。薤。退。食。盤。餐。雜。糝。藜。  
羨。然。疎。簾。清。晝。永。微。吟。直。送。夕。陽。西。

三疊

春。明。三。載。駐。征。騷。詩。諦。同。叅。花。雨。龕。北。郭。暮。霞。紅。隱。堞。  
西。山。曉。露。翠。添。嵐。每。憐。結。習。吟。筒。速。敢。門。機。鋒。戰。筆。酣。

忽憶少年裘。展會花盈水。斟客淮南。

其二

一杯蒲酒泛頗黎。吟遍花津總不迷。碧月入懷寧有障。  
青雲在手底須梯。夢回佳興書題葉。客至多情飯剪藜。  
皮陸依然同韻好。松陵移到薊門西。

四疊

天風振佩控鸞駟。孤寂何須坐古龕。何處樓臺不聳碧。  
自來烟靄總生嵐。麾行萬里真豪宕。筆掃千人倍飽酣。  
敢不風流麾羽扇。吾軍半壁舊東南。  
前贈扇尚未報  
嘉却辱見索

其二

弱水三千導合黎。文淵得派眼難迷。趣窮自挈迴風筏。  
神到偏攜取月梯。幽思露滋芳晚蕙。遠情烟渺故山藜。  
周旋鞭弭三寧竭。聯轡多追問苑西。

五疊

未敢求新學篠簞。微吟小坐杜公龕。一灣溪轉花前殺。  
百疊山橫雨後嵐。掃却簿書耽靜退。領將風日愛清酣。  
謝公高賞傳絲竹。羨煞詩情寄雅南。

其二

景煥薰天苦正黎。端須詩酒對花迷。探香宵問銀蟾窟。  
采艷朝憑綠駟梯。一曲涼風高郢雪。九天仙露薄沙藜。

人間道暑添吟興。得道何須翠水西。

六疊

聲華兄弟羨方驂。應是前修善慧龕。星駕早歸江上棧。  
繡衣還望嶺頭嵐。蘇臺風月鷗盟久。燕市琴尊蝶夢酣。  
此夕擘牋同選韻。花看韋杜又城南。

其二

散花心事托毗黎。香土紅塵豈被迷。妙以沖虛爲橐籥。  
喜將遊戲作階梯。傾壺對酒門前柳。洗盥調羹徑畔藜。  
解得吾人大隱法。笑他寂寞小山西。

七疊

何年江上趁歸驂。香海梅花結小龕。笠澤空波廻淨練。  
雲巖遠翠接浮嵐。鐘聽野寺心徒省。漏待朝廳睡未酣。  
卅載春明吳苑客。鬢絲輕颺坐花南。

其二

季子畱秦面苦黎。紛紛仕宦攬塵迷。吟風豈少三層閣。  
取月應須百尺梯。獨喜寒泉收勿幕。却嗤困石據于藜。  
蘭橈他日淮流滌。歌吹聲中下竹西。

八疊

句欲追風走逸驂。得詩一笑供仙龕。  
用得句先囊中收。  
呈佛意得荆臺月袖裏攜來劍閣嵐。已報瓊瑤驚異彩。可分醺

醪借餘酣。花簾冰簟消。長晝篇翰誰教伴。世南。

其二

聞道師徒薄戡黎。請纓無路楚川迷。揮毫定得摩羗盾。  
執訊旋看化罪梯。午轉薰風庭落絮。夕過新雨徑滋藜。  
拋巡昵飲催詩好。韻事偏傳禁掖西。

九疊

韓嬰宅畔駐吟驂。方外論交共掃龕。

晚峯住月聲庵在舞綵堂東時從余

游與旭亭朝夕晤談疎影夕陽畱竹逕。

疎葉碎斜陽晚峯佳句

虛聲明月對。

燈嵐

高僧獨惆悵爲與燈嵐隔唐人句

卅年舊夢如塵逝。一夕新歡倍

語酣。聞道倚樓人不遠。金尊玉筵宴花南。

時飲趙味辛齋

其二

超然世網悟伽黎對酒寧教花霧迷澹蕩心期空水鏡  
幽遐游歷遍巖梯味嘗成式三危露段成式食品有三危露崑崙井諸名  
風憶王維半畝藜縞帶交情添贈答傳來佳句鳳樓西

十疊

差幸周旋免絳驂好同文社與詩龕交聯舊雨三家轍  
賞對濃雲九夏嵐佳趣不妨頻跌宕旁觀應笑太清酣  
藕絲冰水催詩夕灑遍涼珠蓮葉南

其二

遠游曩昔望脩黎日下尋花眼不迷旭亭歸自粵東重來都下林屋

人來憐舊逕。月樓夢。往憶高梯。在吳日旭亭居小林屋。余居月滿樓。曩游如昨。  
相與君謨。譜雅香。京舞子美詩清。味糝藜。况共心知。吳  
季札。勝情朝夕虎坊西。

十一疊

幽亭振響。美聯驂翰。藻鷺來彌勒。龜豈有飛泉。爭峽水。  
却看疊靄。結岑嵐。眺高荀令三山。想飲歷平原。十日酣。  
鞭弭周旋。慙避舍。偏傳好事。屬城南。

其二

笙。諧孤竹。磬。懸黎仙。籟同音。聽豈迷天外。塵函開。月鏡。  
風前。丹磴引霞梯。才高不竭。驚量斗身健。能勝笑杖藜。



季重與書還大嚼尋盟許附海村西。

十二疊

何必追風逐舞驂。盟心久在夜燈龕。十秋月落鼉江水。  
旭。四載雲停麝嶺嵐。壽庭交喜重逢情盼暖年。誇難老嘯。  
歌酣餉教好事屏風畫花下三人話舍南。

其二

榴紅釀酒舊稱黎。百盞奚辭醒復迷。詩興紙飛催隔巷。  
仙。心枕上脫層梯。涼厨須得風搖扇。幽逕何妨露采藜。  
好卜簪裾傳雅集。誰勝叢荻水潭西。

次吳壽庭典試粵西紀 恩留別詩韻四首卽

送其行

翠筍瑤簪五嶺紆。灘江東去水思吾。思吾粵西溪名越邊盡入山川障。使者文持龍虎符。滄海珊瑚皆入網。豐年瓊玉亦輸租。多君頻賦皇華句。才擅卿雲有此無。

其二

會記星軺劍外年。蠶崖蛾磧出遙天。歸偕省署談風月。笑脫塵衣證佛仙。君指青雲仍健往。我驚白鬢已華顛。文章報國司衡久。不忘三條夜燭緣。

其三

尊酒燕臺惜乍離。客留雨館話襟期。連日驟雨騷人例出衡。

湘境才筆聲飛桂柳湄亭壁畫餘傳樂府弓衣織處遍  
歌詩文昌節到西湖日西湖在桂林府西勝概甲全郡灑翰非秋玉露  
滋

其四

花裏鑿坡羨並登東西粵嶺雨驂勝文才軼轍遺殊遇  
科第郊祁感異僧揭帝千迴瑤水湧欄蠻萬疊繡峯憑  
他時鈴閣留濛海應念清曹味似冰

趙偉堂明府席上晤談湘琴誦其所爲詩皆新  
清拔俗花月一聯尤爲佳句爰就其韻演成  
五絕六首却贈

有月方爲夜。無花不當春。湘琴句風流傳十字。始見眼中人。

其二

對月須遙夜。看花定早春。湘波北渚近。愁煞佩蘭人。

其三

泉雪初流夜。松風乍入春。七絃寒玉奏。誰是賞音人。

其四

天香清在夜。月態艷于春。不是寫生手。風前失玉人。

其五

璫瓏歌子夜。窈窕舞嬌春。花底爭憐處。卿卿喚有人。卽用

湘琴題所繪月  
芬小影詩中意

其六

幽館三秋夜。芳筵一笑春。謝蘭王。柳後南國。豈無人。

題湘琴夢初樓

合是仙家愛住樓。清才抒思最工愁。卷中點筆花盈手。  
夢裡懷人月在鉤。情到真時偏蘊藉。交當淡處轉風流。  
座間添我江南客。同話牽芳范蠡洲。

其二

許我迎霞上碧樓。連宵風雨慰新愁。芳馨蘭茝長依佩。  
文采珊瑚自鎖鉤。三絕况兼年少日。五知誰接古人流。

空梁佳句多題額。偏令心移湘水洲。湘琴自爲佳句及贈篇之佳者多粘于梁

廳前藤花再開同董觀橋作

忽驚紫艷出香堆。暑月芳藤蕊又開。連夕濯枝天送雨。催詩并要好花催。

其二

翠帷留苞發後臺。涼風樹底轉徘徊。人生難得花開再。誰酌金尊盡醉來。

題謝香泉侍御梅花畫扇用湘琴韻

獨倚霜空出世姿。澹香合對一尊持。人間百卉紛爭艷。

誰賞春風竹外枝。

其二

姑射仙人品格寒。一聲鶉鴉笑花殘。天然寫出羅浮種。  
謝砌應同玉樹看。

送羅雨峯山人歸揚州

落葉飄蕭碧樹秋。鬚絲風颺雪盈頭。烟花邗水三生夢。  
書畫滄江五夜舟。老筆擅場推上客。征衫馳譽動諸侯。  
紅橋催得歸歟興。好向晴沙問白鷗。

蘭亭主人賦詩贈行次韻奉呈卽以志別

謬廁鄒枚媿短才。西園數載坐花來。鳴知鶯谷平生感。

源導龍門大雅開。薊北夢依天上月。嶺南訊盼驛邊梅。  
捧將雲翰珠江去。誰築黃金百尺臺。

蘭亭主人壽辰卽次前韻

中秋前二日

壽世文章冠古才。星弧輝自斗南來。需雲筵上中秋近。  
升日天邊接晝開。命筆高摹湘澤芷。培材遠念越裳  
梅。綠漪池沼依風久。音繞琅璈戀玉臺。

次前韻留別汲修世子

曠世東阿七步才。頻年乘几倡酬來。紅闌坐雨茶爐熟。  
碧樹吟風酒壘開。情密知心投水乳。氣和論事合鹹梅。  
祇今南去雲天渺。應念征人向粵臺。



其二

縱然遠隔鳳鸞才。天外長懷托乘來。萬里鑑江明月共。  
百蠻銅柱曉雲開。海涯波繞成連軫。嶺上春回陸凱梅。  
佳什滿函同載去。臨風朗讀望燕臺。

重陽前一日雨宿重興集旅館用壁間韻

漏轉蕭辰晝夜分。流光如水逝沄沄。客中花好重陽近。  
江上詩成暮雨紛。遙嶺一枝憐驛使。空灘百折問匡君。  
赴粵道經  
庾嶺匡灘南征捧檄慈闈喜。幸慰頻年望白雲。

疊韻

南鄉征途與雁分。江添秋水送潺湲。雨留空館愁偏積。

人對寒花思轉紛。衣線春暉懷壽母。觚棱曉露感慈  
君。泰自內閣游至吏部祿捐參養二十餘年戊午夏出  
守廣東高州七月七日山莊請訓當蒙溫語  
諭以高州近海凡地粵山未及行程半何處登高倚莫  
方事並宜留心辦理

魚溝道中

連宵風雨做重陽。侵曉雲開散霽光。溪泛碧流環野岸。  
樹添黃葉覆村莊。宋公臺畔須題筆。蘇子樓頭要舉觴。  
我過魚溝逢九日。江南江北幾星霜。

瓜州二絕

黃花開日過紅橋。

余重九後六日抵廣陵十九日解維南下

瑟瑟西風送客

舫隔水人家燈火夕瓜州依約上寒潮

其二

欲試風人匏葉歌樹頭轉覺曉風多何妨緩待澄江練  
終許金鰲背上過

秋樹

秋樹起寒色因風蕩綠雲渚花清逐水山翠遠收曛策  
策游魚隊飛飛浴鷺羣扁舟成小泊卽事若多欣

渡江

落日振長風波凌萬頃東清光廻海蕩浩氣入天空獨  
立瞻鰲柱孤行踏貝宮一帆京口到回首渾茫中

京口訪王夢樓太守談叙于快雨堂卽同訪駱

佩香詩人論詩移晷同飯于其聽秋軒贈佩

香二首

山意江光久擅名。

江光初過雨山意欲成秋聽秋軒稿名句

醉翁門下女門

生十年人隔春風面千里詩傳白雪聲。

余在都門久夕耳佩香詩名夕

逕烏衣藏里巷。

宋本秣陵僑寓京口

曉峯黃鵠對簾旌子安座有

賓王裔繡度駕鴛妙句賡

其二

瑯琊才望埒袁絲。

謂隨園

照耀扶桑天下知。六代烟霞闥

啓秀二南風教端工詩梅花人日空江櫂菊影重陽小

閣。后。皆。聽。秋。軒。傳。得。吟。香。徧。淮。左。十。三。弟。子。讓。清。詞。隨。  
有。十。三。女。弟。子。佩。香。從。夢。樓。太。守。游。亦。問。詩。子。隨。園。比。  
年。卜。居。潤。城。近。夢。樓。快。雨。堂。日。事。切。琢。格。律。愈。佳。足。冠。  
林。下。風。矣。

王夢樓太守茅耕亭學士招同劉雲房少宰查

篆仙觀察陳桂堂太守讌集二知堂觀劇席

上卽事有作

黃。鵠。山。高。秋。雨。天。重。尋。翰。墨。又。添。緣。江。亭。折。柳。工。酬。倡。  
回。首。駒。塵。三。十。年。庚。寅。春。余。之。秣。陵。過。京。口。下。榻。夢。樓。  
太。守。柿。葉。山。房。歡。敘。累。日。夏。初。先。生。  
過。吳。門。卽。止。余。月。滿。樓。時。賦。詩。送。余。北。上。少。宰。雲。房。先。  
生。偕。心。餘。桐。嶼。兩。太。史。多。和。韻。并。書。于。冊。茲。夢。樓。雲。房。  
兩。公。與。余。又。得。會。台。潤。城。余。適。攜。冊。舟。中。因。重。披。加。跋。  
各。道。奇。緣。追。憶。前。塵。忽。忽。垂。三。十。年。矣。爰。屬。耕。亭。學。士。

篆仙觀察桂堂太守續和入冊云

其二

南征粵嶺北春明

余將出守高州適少宰視學任滿何回都一朝同泊京口幸得重聚焉

幸三生會潤城

太守時適他日主賓重話兩東南盤敦吳門初歸

又前盟

庚寅夏與太守別後甲午秋晤于京口已亥夏晤于杭州相叙一年甲辰春又晤于江上

途至今嘉慶戊午秋又晤而少宰與學士暨查陳兩公適會合潤城重披快雨堂主人倡和之冊不啻星聚一時則此為東南高會也他日

幸再尋盟此會又為前盟矣

其三

長齋餘事按聲歌

太守緒佛長齋垂二十年矣

快雨堂中妙選多

太守

詩文擅海內不廢顧曲鉅卿而後比日有澹雲微雲拂雲者皆一時妙選雅邁時伶

曲擅仙雲銀

月南樓詩集

卷三十六 觚棧集

九

燭夜喚回香夢寄南柯。時按花報瑤臺諸曲雅諧宮商不同新奏

其四

鈿卿紈扇寫袁絲。曩余爲鈿卿轉索書於苑園主人又持加賞音手書金扇余持歸付與續風流。此一時爲語香山老居士知音偷律許微之。

雲陽道中

春明遠夢繞家鄉。二十年中秋思長。此去蘇臺三百里。一帆疎雨過雲陽。

其二

天恩許假過吳鄉。莫說珠江道里長。榮到萱花慰慈母。葵心惟有向朝陽。

入潯墅關過楓橋到家

山入吳關分外青。還家暫喜慰征程。烏啼月落楓江寺。  
二十年前送別情。

其二

萬里之行十有三。山寒水碧過江南。入門是主偏爲客。  
舊逕黃花笑遠驂。

任曉村太守招同李松雲太守讌集于署之木

蘭堂出白傅祠圖卷屬題用香山虎邱寺路

韻得四首卽同松雲同年作

涵綠搖青路芳隄。嘯詠頻香山畱惠績。刺史得傳人勝



選林亭舊芬垂俎豆新風流今不墜長慶有餘春

其二

洗馬南池古清秋問訊頻更憐三過蹟猶頌六橋人配  
食簪還盍聯吟社復新到今推任昉政美物皆春余頻  
年來南北過任城必登太白酒樓並訪工部南池  
己亥歲客武林一年每游湖上尋坡公遺跡

其三

四百紅橋月鶯啼好夢頻卅年渾過客九月暫歸人鐵  
壁巖花秀山祠徑竹新使君吟眺地重訪古時春

其四

木蘭堂上讌披襟興飛頻真接三賢武須爲千載人雲

渠澄練久風榭仰山新此別詩憑驛應懷庾嶺春

唐陶山明府席上奉贈同陳桂堂太守作

公餘詞翰妙如神江國看移湘浦春  
蘭草自來攀楚客瑤華今又見騷人  
袖攜嶽麓千峯翠書問包山九洞真  
春南桃花遺蹟在家芬更緬慕前塵

曾修唐子畏  
解元舊墓

月滿樓詩集卷三十七

元和顧宗泰長嶽

受業賀德瀚編輯

嶺南集

戊午 己未 粵東擢山海之勝奉 命出

守自都門至蕪州所過皆屢游地抵家寒不  
宿之義不敢久淹遂繇浙江瀛西江度梅嶺  
道中覽勝寄懷篇什不少比及至粵勘案會  
垣抵任以後禦匪海口朝夕公事暇或一操  
翰焉故吟詠轉不及道中茲錄所作統名爲  
嶺南集

金沙港由花神廟造竹素園作

小憩林亭亦偶然亭環綠水浸漪漣前塵鴻雪等如昨

花。落。花。開。二。十。年。

余已亥歲客武林  
迄今垂二十年

其二

重許探幽畫檻邊。湖光內外總堪憐。層山翠靄真如畫。  
一抹斜陽入遠天。

湖心亭

孤亭宛在水中央。向夕天風作意涼。縱目逝波空淡蕩。  
豈徒樂意屬滌梁。

其二

人間此貯蓬壺景。天際真開碧鏡光。獨倚闌干看不極。  
興催欲共水雲翔。

昨夕湖上薄暮始歸。晨赴江頭過淨慈寺小憩。

憇作

忘歸日已夕。昨游阻探尋。茲焉過蘭若。佳景延虛襟。湖  
南此第一。明鏡收波心。遠雲弄疎影。微風逗寒音。巒光  
互濃淡。林態兼晴陰。澄懷一以眺。淡慮妙已深。淨旣祛  
俗垢。慈更開幽沉。得解欲何說。安問去來今。

虎跑泉小坐至開先寺登六和塔

名泉說虎跑。松際流琮琤。塵襟苦煩擾。勺飲滋清泠。竇  
緣翠巒轉。取逕藍輿停。浮空聳古塔。雲表何亭亭。振衣  
拾級上。呼吸通仙靈。江湖足下白。嶺藹眼底青。吳越但  
一氣。俯仰空蒼冥。塔傳自開寶。風鈴送遠聲。岩堦最高

頂。極。目。窮。流。形。曩。昔。上。靈。隱。天。光。瞰。疎。櫺。此。更。得。大。觀。  
千。里。在。戶。庭。飛。身。踏。鰲。背。彷彿。登。蓬。瀛。

江口潮來二絕同壻張映山作

日。暮。迴。看。天。地。青。潮。來。訝。挾。遠。風。聲。縱。經。萬。弩。錢。王。射。  
千。載。銀。濤。怒。未。平。

其二

浮。空。作。勢。卷。滄。溟。疑。有。蛟。螭。逐。隊。行。八。月。廣。陵。同。縱。目。  
虹。藏。以。後。尙。勾。旬。

虎爪山

江。上。延。緣。引。黛。鬟。舟。移。碧。水。送。潺。湲。一。帆。輕。挂。疎。林。外。

夕照紅看虎爪山。

富陽縣

晴波百里漾玻瓈。風送蒲帆剪碧溪。白塔影懸僧寺北。  
青山勢壓女牆西。流雲漠漠穿林遠。飛鳥依依掠水低。  
此夕富陽舟小泊。煙光疑向畫圖迷。

桐廬

瀟灑煙光畫不如。桐君何處訪仙廬。青山無恙寒雲際。  
碧柳初殘曉露餘。點竄楊誠齋詩意港入鵝原征舫聚。灘過烏  
石釣人居。風清江水尋餘韻。漢有高臺亮節俱。

子陵釣臺

我過桐江驛。先生有釣臺。高風足千古。聞者獨徘徊。帝座誰相理。客星空自來。始知各有志。半願隱蒿萊。

七里瀨用謝康樂韻

知仁合山水。勝情寄孤眺。雪湍旣縈紆。翠壁亦聳峭。煙霏林愈密。日藏洞彌曠。曠世絕風清。有人倚空嘯。願言葆幽潛。匪直好奇妙。守厲考槃堅。畏免翹車誚。蟠溪與嚴灘。千秋兩垂釣。若矜高尚心。寥寥此獨調。

胥口

黛影過香崖。波光入胥口。不見薦中人。寒煙罨林藪。

其二



當年此奔吳。有志終覆瓿。至竟江潮雲。愁渺何所。

烏石灘

無風七十里。有風乃七里。諺語信有之。乘風胡不喜。曉  
自胥口來。我行快無比。磯轉篙畧施。峯迴帆若駛。水飛  
魚咬波。石攢草生渙。淺不一二尺。清已見其底。去去忘  
阻。修利徃自如此。得順理無違。取鑑悟微指。

富春渚用康樂韻

清湍下夕陽。帆卸見江郭。寒煙入幽墟。澹雲出叢薄。川  
源盡迴紆。厓石交參錯。延緣引花渚。轉逕露翠壑。沙際  
知魚依。林中識鳥托。討勝心方退。窮微力豈弱。了思前

路修莫踐空巖諾。娟娟水泉動。疎疎木葉落。行矣將勉旃。初伸念尺蠖。

桐子山至焦石卽景

齒齒白石淨。潺潺綠水清。亭亭遠塔直。瑟瑟寒林橫。夕陽一返照。澄景俱天成。四圍巒翠疊。百縷雲煙縈。人家住香岳。鷗鳥若與盟。誰歟此卜隣。日聽溪灘聲。

蘭溪舟次同沈白華應耀波陶梅峯家黍堂叔

小飲

舉來沆澧最芬清。不道香溪亦擅名。欲訴流光好。打槩愛看十里穀紋生。

其二

連日風湍過石瀧。且傾碧盞對銀缸。從知九九梅花格。  
合許消寒在水窗。

將至龍游道中卽目

極目雲天澹。層山歛薄陰。林寒猶綠色。灘急自清音。  
坐謝秋漁侶。飛隨曉鳥心。盈川指點近。一寫越溪吟。

謝蘊山方伯見所著西魏書題後得六首却

寄

西竄驚心賀六渾。關中元魏統猶存。彥深史佚將無考。  
伯起書傳未足論。十載編摩勤虎觀。千秋進退接龍門。

補亡平繪中興後手筆南康洞本原。

其二

詔稱安定冊諸王。筮卜登天位。洛陽南斗星。流煥惑犯。西關月入。漢藜亡。非狐索斷。諸空怨。斯馬鞭驚。事暗傷。即使君臣無少忌。雲陵爭奈逆藩強。

其三

天拜清暉號中興。華州巡後政觀成。御香萬貫錢停給。門鼓三條事許行。率舊典章裁禮樂。更新令則定權衡。崖龕斷爲柔然冠。悵望嗟峨詎損名。

其四

黑獺乘權運未休。廢將年號禮依周。敘官西魏空存典。  
出帥東梁有叛州。怨起宮庭羣搖泣。辱居廨舍獨包羞。  
前塵佛寺同遺恨。積弱偏忌禍患由。

其五

置君如奕數將終。巢幕依然讌饗同。廣武豈成追寇畧。  
江陵漫詔滅梁功。太師遷鼎封岐壤。帝子分茅辱宋公。  
厭魏天心久已去。徒延虐號式微中。

其六

鄴都僭號永熙年。作史須掾南董權。名正東西垂大法。  
卷成廿四摺宏篇。虞初采博裨官合。劫後搜精牌版傳。

凍水昔稱延壽筆。視公著作孰推賢。

道中見水碓作

天巧不須人。圓機運水濱。搗霜原藉杵。翻雪獨闌輪。得製深農具。聞香助歲春。載量知用戽。豐樂滿花津。

自常山赴玉山作寄莫峻山同年

山峯繞花縣。濃翠引不已。秀壁開兩厓。中道平如砥。履之占貞吉。坦坦良可喜。匪幽亦藏奧。旣曠更絕詭。安行利攸徃。遵路忘偏倚。計里不五十。豫章境尺咫。回輶蒼煙重。日落山凝紫。寄語同心人。停雲自茲始。

廣信道中

歲寒三九節

初交三九

遠九千程

自都至高州九千餘里

南嶺梅當

發西江雪始晴

鵬月五日曉雪旋晴

紅塵勞夢寐滄海寄功名半

世孤貧久懷同鑑水清

高州有鑑江

茶山二絕

昔日東岡子遺榮此卜居

陸鴻漸號東岡子

到今茶戶盛依翠

住林於

其二

連峰嵩華形蒼翠自亭上結屋品泉水誰修陸羽經

弋陽縣

高峯七十二聳峭數靈山

信州靈山有七十二峯弋陽江之源出靈山西流入葛溪

溪下流經薌。遠碧薌溪入空青。弋水還僊壇荒舊址。神  
溪入鄱江。石泐孤灣。弋陽之東舊有獨對江風曉吹波洗客顏。用  
梅堯臣詩意

龜峯山

在弋陽縣南

衆山作培塿。高絕是龜峯。呼吸天雲入。迴盤海蜃從。望  
餘同錫寶。踏處定扶筇。屹峙經千歲。遙空翠黛濃。

過弋溪有懷謝疊山

千載仰忠魂。溪毛問舊村。變名逃碧野。死節哭丹閣。并  
謝山薇采。遑知徑菊存。妻孥同赴義。清烈滿家門。  
妻李氏及二子在貴溪山中被執亦自經死



貴溪問鬼谷洞

第十五洞天。山傳鬼谷仙。儼然人世外。邈爾翠雲巔。持  
燭堪通奧。求書孰悟緣。秦儀臺井在同此。訪寒煙。山又  
有蕪

秦臺張  
儀井

舟次所見古蹟

錢倉

如磨高數丈。纍石名錢倉。安得漁人開。源源無盡藏。舊  
傳

晉太和中。有漁人  
開石。其錢自出。

石鼓

弋江有石室。薌溪傳石鼓。水擊鼓不鳴。太平自偃武。舊  
傳

昔有張隱士琢石爲室郡守表薦之終隱不出  
石鼓其形如鼓土諺鼓自鳴伊兆兵

### 龍窟

九伏瞰龍井幽泉自清冷  
髣髴神靈棲時弄白雪影  
北山有龍井名龍窟山歲  
旱禱雨每有靈應

### 風洞

古洞窈且深天風泠然善  
何須禦寇來御之懷欲卷  
南有風洞  
噓吸多風

### 安仁縣

又入鄱川路烟光瞰水窓  
清風玉石澗紅日錦雲江  
何處聽孤笛悠然醉小缸  
吳頭真冠絕一碧下流淙  
朱程

祁通

錦江有臥聞孤  
笛下溪頭之句

梅港

壤識餘千接波看幽港連夜烏啼古墓將業說梅  
港有

吳芮將梅  
銅舊墓

洪崖

鍊丹猶舊井拍笑尙孤亭欲訪洪崖蹟寒山一抹青

餘千雨泊

楚野千山雨鄱江萬壑風迸添征客感况入歲寒中蠻  
鳥穿雲急神蛟拍浪空蓬牖流睂處不奈苦吟翁

鄱陽舟次

艷說黃金采。

地名在鄱陽縣之武陽鄉漢書顏師古註采者謂采取金之處

清同鄱水

涯疎篷斜泊處。寒雨晚零時。泊暑懷雷義。交游憶范逵。

古情良鬱抱。客况此淹遲。

舟次雪

三日疎篷蠟水濱。雪寒珠濺滿漪淪。琵琶洲近空灘咽。

解送幽音惱煞人。

感懷二首

萬里奉慈親。江舟出遠津。欲將萊綵戲。同看越裳春。久客違溫清。長年歷苦辛。連宵依膝下。色笑始爲真。

其二

涕淚趨庭日。靡瞻二十年。春暉還逮養。寸草倍垂憐。婦  
子悲歡共。孫曾鞠育全。無須更將母。恩重感堯天。

鄱陽湖

蒼茫萬里天。無際白浪拍空迴。大地禹豬彭蠡控上游。  
龍蛇駢放歷千季。竭來豫章過此湖。廣谷大川究畫圖。  
力士山頭一放眼。直窮吳楚雲盤紆。中流楫舵縱歌嘯。  
小舟大舟轉孤嶠。翻空水勢雪作花。透遠風聲石吼竅。  
卅年南北泛客艫。衡漳濟泗河淮江。今從吳越到蠻海。  
鄱陽浩渺心旣降。歲寒昨夜過三九。水泉飛動春回斗。  
雲帆快展濟川奇。庾嶺梅花待我以。

過鄱陽湖雨雪又阻舟每日行五里十里有作

如此三朝暮鄱江十里中迷青雲壓岫掩翠雪欺叢尙

悵東湖隔須教南浦通章門波咫尺延佇渺寒空東湖在南

昌府城南周廣五里舊通大江清波遙衍林接西山爲一郡勝

望後一日稍霽行三十里過趙家園

稍覺陰霾散天容若放晴林端餘漬減雲罅曉陽生一

帆去聲張應滿千波湧可輕簡書當速報匪是爲貪程

抵章門登滕王閣二首

俯瞰秋屏最上頭凌虛傑閣豫章留南窮五嶺蒼雲盡

東控三江白浪收詞筆千秋才子擅騷壇半壁後人遊

敢翻鸚鵡吟題句自捲珠簾散客愁

其二

有此江山有此席。獨難襟抱獨難才。城臨北斗三霄迤。  
人逐南鴻萬里來。不盡空潭霞彩落。無窮疊嶂夕陽開。  
章門詎恨遊蹤晚。百尺凌風倚快哉。

東湖徐孺子祠

穉子南州重。遺祠湖水東。時衰遭混濁。志曠抱夷冲。門  
外生芻蕘。前舊榻空聲。香留石碣。猶想聘君風。

豐城縣

試問天邊斗。還騰紫氣無。劍空千載後。精想二龍俱。果

說飛光遠。寧愁抱影孤。張雷如可作。爲我淬霜英。

樟樹鎮

新建誓師處。勤王慷慨中。乘機平巨逆。紆策定奇功。天子方能將。臣心自矢忠。雲旗祠宇肅。曠代想英風。

新淦道中

城是巴邱舊。林看晚翠重。雨疎黃葉館。煙澹石蓮峯。遠峽江舟溯。孤村野碓舂。清幽良可愛。處處引行蹤。

峽江

兩厓夾空江。雪浪噴秀壁。叢翠結幽陰。凍雲覆寒冪。客檣旣滿濤。漁舟亦繫石。波面浮人家。煙炊接村宅。花縣



起峽中孤城壓山脊遙睇淦水重近緬巴邱  
裏風到此卸帆席嶂碧兼江清平生夢魂歷  
佳景適觀止欲去不忍釋

吉水

螺山山下匯清潭吉字分流贛水南餘雪弄  
姿籠遠樹薄雲送影礮層巒繫繫荒石張欽  
寨漠漠寒墟蕭芮庵舟向文江門外過倚風  
孤嘯尙能堪楊吳將張欽屯兵吉水與彭珩對壘其寨址在縣北唐蕭芮爲吉州牧結菴金鳳山高阜旣去民思之弗諼卽菴址立祠焉

廬陵過文信國墓

大元必殺文丞相取義成仁得所歸抗志  
皐亭忠獨抱

勤王海島力寧微。三年北國星霜節。千載西江日月輝。  
猶有疊山同比烈。歌殘正氣重歔歔。

望青原山懷黃山谷

鷓鴣嶺出白雲西。

嶺在青原山

山谷詩名與斗齊。江上好峯

不知數。青原終古幸留題。

訪歐陽文忠公舊里

六一風流溯此間。好尋故里碧江灣。兩朝勲望垂書史。  
一代文章接斗山。

昌黎人比之泰山北斗。歐陽文忠並稱。

並世馨香爭禱

祝。異時簪佩盡追攀。讀書童歲詩能誦。幸薦寒溪蘊藻

還。

泰和縣喜晴

縣入南平舊羣峯紫翠中晴暉天界遠澄景物華同百  
里文溪水千年快閣風仙槎流韻處迴眺拓疎筵仙槎江在泰和縣東南流入韻

龍泉河口

重嵐過鳳嶺緩溜接龍泉每看雲霞變偏添巖壑緣黃  
茅沽酒店白板釣魚船十八空灘近潺湲問水邊過龍泉與

已未十八灘近

萬安縣卽目

天際渺雲洲洲在萬安北韻江濱清江萬里游五峯奔白馬二水

屹金牛。戰壘空塵劫。絃歌遍藝流。知津閣外過落日下。

灘舟

開取東坡此生何止畧知津句而名

舜祠

虞氏南巡狩。傳聞駐翠華。衣裳明藻火。山水靜龍蛇。輯  
玉朝羣后。揮綰阜萬家。鳳儀翔閣近。獸舞綴階斜。王會  
交江嶺。風聲暨海沙。九成諧美善。千響鼎滂哇。仙磴亭  
幽峭。空崖石竇窠。英皇從婉婉。夔禹命咨嗟。髣髴趨蹌  
盛依稀。謠諺譁中天。重麗旭遺躅。緬殘霞典問。高巖轍  
風移。遺客槎蒼梧。縹緲接雲氣。望徒賒。

十八灘三首用漁洋山人韻

連月狎山水。不怕風波惡。萬安十八灘。綿亘若羅絡。篙  
檝倚三老。判與飛瀧薄。層崖束蛟門。雲氣冒絕壑。嫺皇  
補天石。剩餘此聚托。紛駭排虛空。之而恣挐攫。穿濤怒  
生牙。淬霜厲揚鏑。格鬥疑爭強。駢耐坐弱尙。想黃能  
神莫勞五丁鑿。漫漶一出險。仰瞰天容廓。遂占祇旣平。  
呼嘯樂復樂。

其二

惶恐下五灘。灘灘歷幽峭。萬安南去惶恐灘爲首。歷漂  
神綿津大蓼小蓼凡五灘至  
十八灘乃盡飛湍伏層磯。湧雲露別嶠。谷轉峯復頽。瑰  
奇足延眺。船底砉驚雷。一聲起羣嘯。梢潰快無阻。迅勢

月清林音集 卷三十一  
轉票姚利仗濟川說橫鄆盪舟稟習坎順攸往浩歌絕  
喧譟夕陽下石壁紫翠領衆妙四圍煙靄殊青林鷓鴣  
叫

其三

章貢競合流山山鬱異狀不下三百里截嶺互相向雪  
瀑入渚花飛噴磐石上振舵響擊撞連棚仄屏幃攖出  
天柱危竦逼地維讓雲旗倏廻風恟怳臨仙仗馳神旣  
蒼茫杼襟亦勇壯忠信本平生底事問無恙痛飲讀騷  
篇一洗幽篁悵

皂口

古廟臨洲口。斜橋枕石頭。寒風叢翠處。雲嶂入虔州。

### 黃金洲

沙洲八九曲。巖舍兩三家。昨夜條風動。南中未見花。

漁洋

有黃金洲  
見桃花詩

### 錫洲

武朔崑崙又錫洲。炎荒風土記行舟。春山樹葉廻新綠。

木客聲聲叫樹頭。

小涼口二十里過錫洲山多樹樹木  
客亂啼異物志木客鳥大如鵲千百

爲羣不與衆相別  
云是木客化作

### 攸鎮

頑碧千推逼嶺南。山山叢篠雜松杉。幽灘缺處濃煙補。

月浦耆言集 卷二十一  
一角巖扉夕照街

贛洲登八境臺

八境凌雲現。三層落日開。濤聲雙派合。翠色萬峯來。遠  
市煙初起。寒林葉未摧。果然圖畫裡。仙島近蓬萊。

大庾嶺

梅關一線聳巖堦。橫浦連空庾嶺高。蠻越極天穿俊體。  
江湘廻地斷靈齋。樓船漢月追楊僕。壁壘秦雲憶任賢。  
猶仗神工開鑿手。荒祠碑記相公勞。

張文獻公祠

翠壁雲深丞相祠。曲江風度想當時。甬鈴一代空遺恨。



金鑑千秋獨進規。春到嶺梅開。遲早風迴海燕拂梁。遲  
始興更說書堂在。客去韶陽每繁思。

梅花行贈袁薌亭太守

庾嶺昔夢遊。花愛南枝開。梅山梅不見。曾數無人裁。英  
州稍點綴。至竟風霜摧。百年度關者。往往空徘徊。名山  
盛嘉植。氣運關春芟。不有賢使君。坐悵流光隤。推袁仗  
大雅。五馬雄州來。特補天工缺。一手妙化裁。命種三百  
本。本本深滋培。嶺頭淑氣遍。別有東君催。我來憩雲寺。  
小坐依莓苔。四際孕香魄。千枝凝玉胎。始知榮枯事。端  
倚治理才。今宵到官閣。發興傾尊壘。東指五馬峯。南睇

九。成。臺。煙。雲。自。來。往。風。月。相。追。陪。茲。嶺。一。眺。賞。春。靄。霏。  
巖。隈。便。訪。景。仰。堂。堂在南雄府治內賦。句。通。良。媒。何。須。驛。騎。寄。  
一。笑。吟。花。回。

過南雄抵始興江口

初。過。雄。州。路。還。乘。浪。水。流。

始興水合浪水流始大

斜。階。春。雨。入。長。

圃。暮。烟。收。

斜階長圃二水亦合浪水

人。在。三。楓。外。帆。開。五。渡。頭。范。雲。

遺。韵。在。清。句。問。沙。洲。

曲江過平圃

張文獻公故居

昨。謁。雲。封。寺。茲。從。平。圃。過。尚。追。賢。宰。相。想。見。舊。巖。阿。碧。  
石。松。風。蔭。清。溪。煙。水。波。景。光。爭。蘊。籍。新唐書九齡傳開體弱有蘊籍

寶。感。懷。多。

韶石山

髣髴天際音。忽駭簫韶奏。傳聞此山巔。虞舜昔南狩。奇  
峯削始成。峭壁巧爭奏。驚湍蛟鰐蟠。截畧齒牙門。雙分  
瑤闕開。環向球門就。鏗鏘發金石。仙籟叶清溜。疑有鳳  
皇儀。翔雲下靈岫。金旂閃翠旗。法仗臨清晝。千載事依  
稀。九成聽羣后。夙昔得夢游。竭來喜親覲。我亦欲繫船。  
厓間一尋窵。凌風整冠裾。仰止釋眩瞶。  
昌黎詩暫欲繫船韶石下上賓  
虞舜整冠裾

至韶州章湖莊同年適守斯郡招飲于其署齋

瞻東坡政寶堂墨蹟有作並邀座上袁立軒

明府同賦

八千里路來炎海。七百餘年認古香。巨筆直兼龍虎勢。  
元精長貫斗牛光。狄威繼躅知能政。坡老前芬幸履堂。  
此夕寶僚同譙賞。羨留韻事在韶陽。宋狄威守郡東坡  
北歸過韶狄守延  
飲因爲書政寶堂楊萬里跋云耿光  
異氣上燭南斗下貫碧海矣

觀音巖

過嶺石奇峭。茲壁尤巉巖。何年鬼斧鑿。崔嵬工鐫鐫。呀  
然洞開豁。天半凌江潭。梯雲入虛空。架霧探幽潛。危級  
五丈餘。曲折緣穹嵒。流鈴澗陰火。黝窈穿層尖。晝晦棲

蝙蝠滴乳注水簾倒厓有石屋秘牖中空嵌千年大士  
座一線香花龕結構天地造法界須彌叁平生所罕觀  
難詡仁智兼蒼茫去若失回戀征人帆

過英德陳沁齋明府出眎米南宮寶藏二字石

刻

不識麟堪笑

楊萬里云嶺南無蕪黃帖大似魯人不識麟

惟韶有秘儲

英德亦屬

韶州昨驚蕪子筆

昨在府治內見坡公書政寶堂墨蹟

今駭米翁書海石涵

星後江虹貫月初主人能集古妙榭重璠璣

滇陽峽

兩厓屹相向奔濤此一束滇水挾衆流皋口廻萬湫峭

壁互蔽。虧中泓。墮雪瀑。抄石逼。旣道激。湍勢斯威。釣魚  
轉竊深。牯牛入險促。俯瞰重淵陰。呵飲蛟螭伏。習坎幸  
心亨。出峽紆駭矚。雲際鷓鴣啼。慘響送巖曲。釣魚牯牛  
皆峽中灘

名

大廟峽

潁陽至清遠。舊亦稱三峽。牯牛昨夜過。大廟瞻岌岌。歸  
然臨大江。波湍此噴飲。危壁收雲陰。奇秀翠複疊。靈祠  
開叢篠。碧瓦排鱗甲。神光乍合離。雲旗動颺颺。有功祀  
馨香。利濟逮舟楫。願言薦蘋蘋。翠芳拾苔級。重去一同  
首。煙霧迷寒硤。

清遠峽

一名中宿峽  
峽有飛來寺

只許寺飛來。不許寺飛去。屢屢出雲表。橫截江流處。五  
峯互鉤連。萬笏密森布。洞丁折奧居。壁泉瀉甘澍。金碧  
自蕭梁。梵宇翔鸞翥。奇詭神所棲。鬼炭迷雲路。傳聞黃  
帝子。采竹此中住。空緬鼎湖龍。長隱禺山霧。子載事有  
無。好古動遠慕。載度庾嶺來。巉巖不計數。峽山仰靈標。  
蒼茫落指顧。此行恣壯遊。歷險忘眩怖。

越秀山眺越王臺

萬里越王臺。秦餘割據來。春風自歌舞。

有歌荒磴入蒿

萊。雲錦江風動。瓊杯海日開。呼鸞迷舊址。欲訪盡蒼苔。

同福誠軒太守游海幢寺

放櫂出門東。禪扉叩訪同。珠林滄海上。金地古園中。寺

為郭家園僧。旌影踈雲表。鐘聲漏竹叢。茗香圍坐久。歸

趁夕陽紅。

羚羊峽

二月十五日省垣事畢十六日自廣州城至花埭十七日至三水送陳簡亭中

丞移撫山東與常廉州太守英王兩司馬丁州刺史王別駕飯于福廣州誠軒太守舟次錄別還赴高州任十八日過此峽

西江束龍門。

入峽口為龍門。

蹇峩翠厓狹。端州會衆流。奔趨奏

高峽。靈羊化何年。奇蹤歷千劫。危嶂薄雲霄。幽潭逼蘗。蟄就中藏水。巖坑石邁宣。歛窮出天水。精密暈煙霧。汁



我來下牂牁。岸粵引輕艤。誰贈瓊瑤英。寶山不空入。迴  
睇迷星沙。寫懷愧寒澁。

### 七星巖

璣衡轉天樞。應地作列嶂。層層引光芒。精貫南海上。七  
星化七峯。魁杓各殊狀。拱斗繞端州。終古領衆望。鍾鼓  
鏗。鳳巖井牀。孕龍藏神仙之所都。日月相揖讓。南征過  
瀝湖。同臺藻幣張。裕舒窺洞天。雲輝絕滉瀟。何當石室  
棲。竒緣恣搜訪。七星巖在瀝湖中。一日岡山。一日圓星。  
二十餘里間。若貫珠引繩。玆玆迴轉岡。  
臺唐天寶中改名松臺。  
松臺下舊有石室。

端州得二硯石一名七星一名碎星因賦

端州出硯材。水巖最貴格。巖分上中下。亦稱後瀝石。我  
得一方硯。鸚鵡眼凝碧。七眼如七星。廻巧露娟魄。噓氣  
生煙霞。發手潤而澤。無論新舊坑。著墨蒲靈液。尤物古  
所難。此亦孕巖壁。後瀝更一硯。孤星出雲脊。微光瑩且  
明。逗點炫咫尺。如沙得雲母。纖碎燦幽夕。膚質並滋華。  
絲紋辨細脉。到端有两石。聊藉伴几席。我來南海南。景  
光愛駒隙。敢以物喪志。流連文翰癖。自昔蘓米賢。筆硯  
逐行役。徒此區區心。雪鴻留爪迹。

余偶止端州館。館爲學使行署。有省心齋。齋前

植竹數竿。蒼秀可愛。

天半綠雲墮。開牕修竹陰。若移湘峽翠。自德慶至高要有大湘小湘冷峽羊三來。憂鳳鸞音。聽雨偶留榻。當風偏解襟。此齋殊不俗。自省亦清心。

### 新興道中

薄溯新州路。遙看雲秀山。山在縣東十里許蠻禽啼竹塢。獠女唱溪灣。沙漫程偏遠。舟紆容轉閑。層樓致瀟爽。何處一

登攀。

瀟爽樓在縣城南

### 將抵洞口有作

翠叢帆。桂樹碧漲花。拖沙藏草攢。長繡迴波聚。短蛇炎洲風。土別海國道。途賒紛此瑰。奇景編觚記。水涯

新興至陽春卽事

駭緣紛紅地。蠻煙瘴雨天。蛤螺依水隩。翡翠出雲巔。釀酒柑尤美。攀衣展最便。采風隨處異。吟遍海南船。

自高州赴電白過熱水作

我行萬里程。征衣積塵滓。忽浴天然泉。激滌愛清泚。適當炎海交。獨領衆壑美。泉以熱水名。靈源溯太始。坎離妙互根。涼燠機相倚。微參旣濟功。默識資生旨。賜谷蒸暖雲。春池孕活水。愚關一振衣。化工得真宰。夙昔憶游蹤。勝情良不已。清沂訪幽灣。湯山問芳址。荆符泄高涼。名泉慰偶爾。何當長養風。爲通調燮理。孤亭下斜陽。去

去煙光紫

電白海口有盜匪游奕履勘諸要處設法防禦  
匪跡潛竄去事畢錄海中登臨之作

博賀炮臺

萬派滄溟繞重城。高臺長倚碧天晴。放雞峯峻殘霞擁。  
踏馬岡危落日橫。已。餌。萑。苻。澄。島。嶼。猶。申。鼓。角。警。麾。旌。  
竭來海上紆籌策。賣劍遠期盡力耕。

雞籠山

白蕉烏嶺聳孱顏。高拱雞籠天漢間。南控鯨波通絕島。  
背連雉堞作重關。緣危有石孤雲踏。躡險無梯峻斗攀。

爲戒不虞勤保障。豈徒遠眺俯瀛寰。

蓮頭炮臺

振衣天外午風斜。上界疑通北斗槎。萬里海廻雲錦色。  
雙頭山湧玉蓮花。時平弭盜嚴陳壘。政肅屯軍警暮笳。  
螺翠環開屏障好。電城井邑樂生涯。